

АХБОРОТ-КУТУБХОНА ХИЗМАТИНИНГ НОСТАЦИОНАР ШАКЛЛАРИ



Авазбек Қўлдошев,
Андижон вилоят
ахборот-ресурс
маркази раҳбари

» **Б**из кутубхоначилар аччиқ ҳақиқатни, яъни ўтган асрнинг 80-90-йиллари ва янги асримизнинг дастлабки йигирма йили мобайнида аҳоли, айниқса, ёшлар китоб мутолаасидан анча йироқлашиб қолганлигини тан оламиз. Бу салбий ҳолатга сабаб, албатта, кутубхоналар эътибордан четда қолди, натижада уларнинг фондлари тегишли равишда тўлдирилмади, борлари «ўқиб бўлинди», моддий техник базасини ривожлантириш чоралари кўрилмади, алмисоқдан қолган ўриндиқ ва китоб жавонлари кутубхонага келган фойдаланувчини ўзидан йироқлаштиради.

Шукрким, ҳозирда аҳолининг яшаш даражаси ўсиб бормоқда, ҳар бир оилада замонавий техника воситалари мавжуд. Бу ҳам қайсидир даражада мутолаа маданиятига ўз таъсирини кўрсатади. Бундан ташқари, уяли алоқа воситалари орқали ахборотнинг барча тури ва зарурини тезкорлик билан олиш имкониятига эгалгимиз бундан яхши. Шунингдек, кутубхоналар ҳам ўз фаолиятлари доирасини барча жабҳаларга кенг татбиқ этиши китобхонлик даражасига ўз улушларини қўшган бўладилар. Кутубхоналар фаолиятида аввал кенг фойдаланилган ва ўз самарасини берган – ностационар (кутубхонадан ташқарида) хизмат кўрсатиш шакли ҳозирда айнан энг самарали хизмат тури сифатида ўз ўрнини эгаллайди дея ишонч билан айта оламиз.

Кутубхоначилик ишининг бу шакли ўз ичига «Кўчма кутубхона», «Кўчма ўқув зали» «Китоб бериш пункти», «Библиобус» ва «Китоб элтувчи» кабиларни олади. Қуйида уларнинг ҳар бирининг фаолият тамойиллари ҳақида фикр юритамиз.

Кўчма кутубхона – жамоатчилик билан ҳамкорликда ташкил этилиб, кутубхона хизмат ҳудудида жойлашган ташкилот, муассаса ва корхоналарда, шунингдек кутубхонадан

олисдаги аҳоли яшаш жойларида ташкил этилади. У ўз олдига ўша жойдаги ишчи-хизматчи, аҳолини китоб мутолаасига жалб этиш, улар ўртасида китобхонликни тарғиб этиш ва уларнинг ахборотга бўлган эҳтиёжларини тўлақонли равишда қондиришни мақсад қилиб кўяди. Кўчма кутубхона хизматидан фойдаланувчиларнинг талаб-эҳтиёжларидан келиб чиққан ҳолда фаолият соҳасига оид ахборот-манбалари, шунингдек, бадийий ва болалар адабиётлари билан таъминлаш, белгиланган муддатларда алмаштириш, янги олинган нашрлар тўғрисида ахборот бюллетенлари ёрдамида хабардор этиш, жамоатчи кутубхоначига хизмат кўрсатиш бўйича кўникмаларга эга бўлиши ва тадбирлар уюштиришда амалий-услубий ёрдам беради.

Иккинчи томон – кўчма кутубхонанинг фаолият олиб бориши учун тегишли шарт-шароитлар яратиб бериш, яъни жамоатчи кутубхоначи тайинлаш, жой ажратиш, зарур жиҳозлар билан таъминлаш, вақтинча фойдаланиш мақсадларида берилган ахборот манбаларига зарар етказилишини олдини олиш ва бошқа мажбуриятларни олади.

Китоб бериш пункти. Ахборот-кутубхона хизмати билан қамраб олишнинг энг самарали шаклларида бўлиб, кутубхонадан олисда жойлашган аҳоли пунктлари, микрорайонлар, йирик саноат корхоналари, фермер хўжаликлари ва катта контингентига эга бўлган ўқув муассасаларида ташкил этилади.

Китоб бериш пунктининг иш принциплари аввалги филиал – кутубхоналарники билан бир хиллиги билан характерлидир, фақат уларнинг иш тартиби ҳафтанинг маълум кунларига фойдаланувчиларнинг асосий машғулотлари билан банд бўлмаган вақтларга, қисқартирилган (кун мобайнида 4 соатгача) фойдаланувчилар учун қулай ҳолда белгиланади. Китоб бериш пункти фаолиятини ҳисобга олиш ҳужжатлар тури ва юритилиш тар-

Кутубхоналар фаолиятида аввал кенг фойдаланилган ва ўз самарасини берган – ностационар (кутубхонадан ташқарида) хизмат кўрсатиш шакли ҳозирда айнан энг самарали хизмат тури сифатида ўз ўрнини эгаллайди

тиби стационар кутубхоналар билан бир хилда юритилади.

Кўчма ўқув зали. Кўчма кутубхона хизмати-нинг мазкур тури ҳам фойдаланувчиларни мутолаага жалб этиш, янгиликлардан тезкор хабардор бўлиш, жамоа бўлиб мутолаа қилиш, олган таассуротни ўртоқлашиш, қолаверса, ўз иқтидорини намоён этишга имконият бера олиши билан характерлидир.

Кўчма ўқув зали мактабгача таълим муассасалари, маҳалла, дам олиш ва даволаш масканларида ташкил этилиши мақсадга мувофиқдир, чунки, бу ердаги фойдаланувчиларнинг мутолаа билан шуғулланишлари учун етарли вақт ва имкониятлари кўпроқ. Кўчма ўқув зали фонди вақтли матбуот нашрлари, энциклопедик нашрлар, талаб даражаси юқори бўлган бадиий ва болалар адабиёти ҳамда илмий-оммабоп адабиётларни ўз ичига олади.

Китоб элтувчи. Хизматнинг бу тури асосан жамоатчилик ёрдамига таянган ҳолда йўлга қўйилади. Кутубхоначининг «Тарғиботчи китобхон»лари, фаоллар, кўнгилчилар ёрдамида хизмат худудидаги ногиронлар, кексалар, кўп фарзандли оилаларга кутубхона хизмати йўлга қўйилади. Китоб элтувчи турини амалга татбиқ этиш кутубхоначи томонидан хизмат худуди аҳолисини оилалари ўрганилган ҳолда ва аниқ режа асосида амалга оширилади. Фойдаланувчиларнинг ҳар сафар китоблар алмаштириш вақтида оила аъзолари ҳар бирининг талаб-истаклари ўрганилади ва шу асосда келгусида ахборот манбалари элтиб берилади.

Китоб элтувчилар белгиланган вақтлардаги ташрифлардан ташқари электрон почта, ва ижтимоий тармоқлардаги мессенжерлар орқали ўз китобхоналаридан олинган буюртмаларни ҳам тезкорлик билан бажариш йўлга қўйилган.

Библиобус хизмати. Бу хизмат тури ёрда-

Авазбек Кулдашев, директор информационно-ресурсного центра Андижанской области.

Автор статьи рассказывает о нестационарных видах библиотечной деятельности, которыми пользуются библиотека и читальные залы, где мобильным способом ресурсы перемещаются к пользователям. Мобильная библиотека организована в сотрудничестве с общественностью и организациями, расположенными в зоне обслуживания библиотеки, кроме этого также обслуживаются читатели из отдаленных районов. Также удобным способом обслуживания является Библиобус, который необходим для распространения изданий и информации для отдаленных пользователей. При этом каждой организации надо предусмотреть возможность подготовки общественных библиотечек и вовлечь их к обслуживанию читателей. Это работа является необходимой для ведения учета использованной литературы, а также изучает спрос населения. Кроме этого мобильную библиотеку можно активно использовать для лиц с ограниченными возможностями, где для них организуется доставка литературы к месту их проживания. ■



мида марказдан йироқда жойлашган аҳоли пунктлари, ташкилот, муассаса, фермер хўжаликлари ва бошқаларга махсус жиҳозланган автотранспорт воситаларида бориб ахборот-кутубхона хизмати кўрсатиш амалга оширилади.

Библиобус хизмати ўзига хос қулайликка эга бўлиб, нисбатан қисқа вақт мобайнида жойдан-жойга кўчиб, бир неча объектларда ахборот хизмати кўрсата олиш имкониятига эга. Айниқса, болаларни ёзги оромгоҳларда дам олиш, соғломлаштириш даврларида анча қулай хизмат шаклига айланади.

Мисол учун ушбу йилнинг бошидан Андижон вилояти халқ таълими бошқармаси ва вилоят ахборот-кутубхона маркази билан ҳамкорликда вилоятнинг 4 та шаҳар ва 14 та туманларининг ҳар бирида 2 тадан марказдан йироқда жойлашган аҳоли яшаш жойларида «Библиобус бекатлари» ташкил этилди. Жадвал бўйича 36 та бекатлардан ҳар бирида ойда 2 марта хизмат кўрсатмоқда.

Хулоса ўрнида шуни айтиш мумкинки, ахборот-кутубхона хизмати кўрсатишнинг ностационар шакли фойдаланувчиларга энг мақбул ва қулайдир, чунки, кутубхонага ташриф учун ҳоҳиш билан бирга имкон вақт ҳам бўлиши керак.

Кўчма ўқув зали мактабгача таълим муассасалари, маҳалла, дам олиш ва даволаш масканларида ташкил этилиши мақсадга мувофиқдир, чунки, бу ердаги фойдаланувчиларнинг мутолаа билан шуғулланишлари учун етарли вақт ва имкониятлари нисбатан кўпроқ

Библиобус хизмати ўзига хос қулайликка эга бўлиб, нисбатан қисқа вақт мобайнида жойдан-жойга кўчиб, бир неча объектларда ахборот хизмати кўрсата олиш имкониятига эга